

本草集要

本草集要中部卷之六

獸部

龍骨

君

味甘氣平微寒陽也無毒

得人參牛黃良畏乾漆蜀

散理石色青白者善五色其者尤佳黑色下

主心腹鬼疰精物老魅欬逆洩痢膿血尿血  
鼻血吐血女子漏下癥瘕堅結小兒熱氣驚  
癇止夢寐洩精小便洩精腸癰內疽陰蝕止  
盜汗縮小便夜卧自驚多夢紛紜者加用之  
安心神定魂魄去脫固氣澁腸小兒臍瘡不  
差燒灰細研傳之○齒

得人參牛黃良畏石膏

主小兒

大人驚癇身熱癲疾狂走心下結氣不能喘息諸瘡大人骨間寒熱殺精物蠱毒○角主驚癇瘕瘕身熱如火腹中堅及熱洩

象牙 氣平無毒

主諸鐵及襍物入肉刮取屑細研和水傳瘡上及襍物刺等立出喉中刺水調飲之舊牙梳屑尤佳及小便不通生煎服之小便多燒灰飲下○象膽隨四時在四腿春前左夏前右秋後左冬後右主目疾和乳滴目中又可和水塗瘡腫○胃前小橫骨作灰酒服之令

人能淨水

牛黃君味苦氣平涼有小毒一云無毒人參為之使惡

龍骨地黃龍膽常山畏牛膝乾漆輕鬆重壘可搗微香摺摩手甲上黃透甲者為真吐出者名三黃為上其次有角黃心黃肝膽黃得之陰乾百日使無令見日月光

主驚癇寒熱熱盛狂瘵除邪逐鬼療小兒百

病諸癇熱口噤不開大人狂癲中風失音久

服安魂定魄令人不忘得牡丹菖蒲利耳目

小兒初生二三日去驚邪辟惡氣取一大豆許細

研和熟蜜以綿蘸之令乾之一月令盡

牛角鯁味苦氣溫性澁無毒用尖燒為黑灰存性酒調服

下閉血瘀血疼痛女人帶下血崩不止○髓  
味甘補中填骨髓久服增年○膽味苦氣大  
寒可丸藥又除心腹熱渴利口焦燥益目精  
○肉味甘主消渴止哕洩安中益氣養脾胃  
消水腫○齒主小兒牛癰○黃犍牛烏牯牛  
溺主水腫腹脹脚滿利小便取二三升服漸  
漸以銅器取新者

阿膠君味甘辛氣平微溫味薄氣厚陽也無毒

入手太陰經足少陰經厥陰經

畏大黃薯蕷為之使得火

良用東阿井水煮  
牛皮或駝皮為之

主心腹內崩勞極洒洒如瘧狀腰腹痛四肢  
酸疼小腹痛止痢養肝氣益肺金定喘肺虛  
極損欬唾膿血非此不補又治女子下血安  
胎血虛而胎不安者須此久服輕身益氣

鹿茸

君

味甘酸又云苦辛氣溫無毒

不破損及出却血者

佳力在血中也形如小紫茄者上又云母用  
太嫩唯長四五寸節端如碼碯紅者最佳陰  
乾不可鼻嗅酥炙用

主漏下惡血溺血破留血在腹散石淋癰腫  
骨中熱疽瘰治寒熱驚癇虛勞洒洒如瘧羸  
瘦四肢酸疼腰脊痛脚膝無力小便利洩精

女人崩中赤白帶下益氣強志生齒不老○

角味鹹氣溫

杜仲為之使七月採

主惡瘡癰腫逐邪惡

氣留血在陰中小腹血急痛腰脊痛折傷惡  
血尿血輕身益氣強筋骨補絕傷又婦人夢  
與鬼交者取末和清酒服即出鬼精妖魅猶  
鬼病人不肯言鬼用角屑搗末水服方寸匕  
即言實也○髓味甘氣溫主丈夫女子傷中  
絕脉筋急痛欬逆以酒和服之地黃汁煎作  
膏填骨髓蜜煮壯陽令有子○肉溫補中強  
五臟益氣力生耆療口偏割薄之左患右貼

右患左貼正即除之

按月令冬至一陽生麋角解夏至一陰生

鹿角解麋茸利補陽鹿茸利補陰

白膠

味甘氣平溫無毒

得火良畏大黃芡鹿角作之一名鹿角膠

主傷中勞絕腰痛羸瘦補中益氣婦人血閉  
無子止痛安胎療吐血下血崩中漏下赤白  
淋露折跌傷損久服輕身延年

麋脂

味辛氣溫無毒

主癰腫惡瘡死肌寒風濕痺四肢拘緩不收  
風頭腫氣通腠理不可近令痿○角味甘主



痺止血補虛勞益氣力填骨髓暖腰膝壯陽

道茸尤良

熊脂

君

味甘氣微寒一云微溫無毒

十一月取此是背上

膏寒月

則有

主風痺不仁筋急五臟腹中積聚寒熱羸瘦  
頭瘍白禿面皴炮久服強志不飢輕身又云  
有痼疾者不可食食則終身不能除○膽

臣

味苦氣寒

惡防已地黃

主時氣盛熱變為黃疸小

兒驚癇五疳殺蟲治惡瘡又久痔不差塗之  
取差乃止神效

麝香

味辛氣溫無毒

春分取之生者益良

主辟惡氣殺鬼精物溫瘧蠱毒癰瘡去三蟲  
療諸凶邪鬼氣中惡心腹暴痛脹急痞滿風  
毒婦人產難墮胎療蛇毒

犀角

君

味苦酸鹹又云甘辛氣寒無毒

松脂為之使惡

雷丸入藥用枯者須用生角為色未經湯水  
浸煮凡屑了紙卷置懷中良久取出搗則易  
碎故曰人氣粉犀若磨服取角  
尖為佳凡治一切角大忌葷

主百毒蠱症邪鬼瘴氣殺鈎吻鴆羽蛇毒解  
山瘴溪毒除邪不迷惑魘寐療傷寒溫疫頭  
痛煩悶大熱發狂中風失音小兒風熱驚癇

又治發背癰疽瘡腫破血化膿安心神止煩  
亂鎮肝明目久服輕身

丹溪云為陽性走散豆瘡後用此散餘毒  
若無餘毒而血虛或燥熱者不宜用又鹿  
取茸犀取尖其精銳之力盡在是矣

羚羊角

臣

味鹹苦氣寒無毒屬木入厥陰經

角多

節蹙蹙國統學中深  
說緊小有微瘕者是

主明目益氣起陰去惡血注下辟蠱毒惡鬼  
不祥安心氣常不魘寐療傷寒時氣寒熱熱  
在肌膚溫風注毒伏在骨間除邪氣驚夢狂

越僻謬小兒驚癇治山瘴散產後血衝心煩  
悶燒末酒服之又燒灰或屑末治食噎不通  
久服強筋骨輕身益氣利丈夫

殺羊角

使

味鹹苦氣溫微寒無毒

羌絲為之使青炆為佳取

無等勿使中  
濕濕則有毒

主青盲明目殺疥蟲止寒洩止驚悸及蟲毒  
吐血婦人產後餘痛小兒驚癇燒之辟惡鬼  
虎狼去蛇久服安心益氣輕身○青羊肝膽  
主青盲明目膽點眼中主赤障白膜風淚又  
解蠱毒○齒主小兒羊癇寒熱三月三日取

○肉味苦甘氣熱主緩中及大風汗出虛勞  
寒冷補中益氣安心時疾初愈人不可食食  
當復發○脛骨治牙齒疎豁

虎骨

臣

味辛氣微溫無毒

雄者勝酒  
或酥炙用

主邪惡氣殺鬼疰毒止驚悸惡瘡鼠癭頭骨  
尤良治筋骨臂脛毒風攣急屈伸不得走疰  
疼痛酒浸服脊脛骨妙風從虎故宜治風虎  
至有力故可補腰膝○膏主狗噬瘡頭禿瘡  
○爪辟惡鬼○膽主小兒疳痢驚癇研水服  
之

豹肉 味酸氣平無毒

主安五臟補絕傷輕身益氣久服利人耐寒  
暑○脂可合生髮膏朝塗暮生○齒骨極堅  
人得之詐爲佛牙以誑俗

白馬莖

使

味鹹甘氣平無毒

陰乾百日用

主傷中脉絕陰不起強志益氣長肌肉肥健  
生子○眼主驚癇腹滿瘡疾殺用之○懸蹄  
主驚邪癰癰乳難衄血內漏崩辟惡氣鬼毒  
蠱症不祥○齒主小兒驚癇水摩服○溺味  
辛微寒主消渴破癥堅積聚男子伏梁積疝

婦人瘕疾銅器盛飲之又治驚瘕又洗頭瘡  
白禿

牡狗陰莖 味鹹氣平無毒

六月上伏取  
陰乾百日

主傷中陰痿不起令強熱大生子除女子帶

下十二疾○膽主明目酒調服之及注目中

又傳痂瘍惡瘡○頭骨主金瘡止血燒灰存

性傳之附骨疽及魚眼瘡燒烟熏之○白狗

血味鹹主癩疾發作及鬼擊之病取熱血一

升飲之又塗身上○肉味鹹酸性溫主安五

臟補絕傷壯陽道輕身益氣黃色者上白黑

次之陰虛發熱人不宜食大抵人身之虛多是陰虛世俗往往用此爲補不知其害又大肉不可炙食致消渴又不可與蒜同食頓損人○乳汁主青育取白犬生子目未開時汁注目中療十年盲狗子目開即差

狐陰莖 味甘有毒

主女子絕產陰痒小兒陰癩卵腫○雄狐糞燒之辟惡在木石上尖頭堅者是○頭燒以辟邪○心肝生服治狐魅肝燒灰以治風

狸骨

巨

味甘氣溫無毒



主風疰尸疰鬼疰毒氣在皮中淫躍如針刺者心腹痛走無常處及鼠瘻惡瘡頭骨尤良炙骨和麝香雄黃爲丸治痔及瘻瘡甚效○肉療諸疰主痔作灸臙食之○糞燒灰主寒熱鬼瘡發無期度者極驗

兔頭骨

味甘氣平無毒

臘月者良

主頭眩痛癰疾皮毛及頭燒灰酒下主產難催生并產後胎衣及餘血不下○腦髓塗凍瘡○肉補中益氣妊娠忌食不可同白鷄肉食

豚卵

味甘氣溫無毒

陰乾藏之勿令敗

主驚癇癰疾凡在蟲毒除寒熱賁豚五癰邪  
氣攣縮○懸蹄主五痔伏熱在腸腸癰內蝕  
○四足主傷瘧諸敗瘡下乳汁○膽味苦鹹  
主傷寒熱渴又大便不通內入下部即通小  
兒頭瘡取汁傅之○肉味甘鹹多食令人暴  
肥引風○肝女子陰中苦痒搔之痛悶炙熱  
內陰中當有虫食肝出

野豬黃

味辛甘氣平無毒

三歲者膽中有黃和水服之

主金瘡止血生肌療癰癩及鬼症○脂婦人

有乳鍊精細以一匙和酒一盞日三服

獺肝君味甘鹹氣微熱有毒

主鬼症尸勞一門相染者火炙末和方寸七日再服又治蠱毒却魚鯁止久嗽燒服之○肉療疫氣溫病又牛馬時行病又治水氣脹滿○膽主明目亦入點藥中○屎主魚臍瘡研傳之

鼯鼠 氣微溫

主墮胎令易產臨產帶之或燒末臨時飲服

膾臍君味鹹氣大熱無毒酒浸一日微火上炙令香入藥用

驗其真取置婦犬傍犬忽驚跳若狂  
又臘月衝風懸置盆水浸之不凍

主鬼氣尸疰夢與鬼交鬼魅狐魅心腹痛中  
惡邪氣宿血結塊瘰癧瘰癧瘦暖腰膝助陽氣  
治臍腹積冷精衰脾胃勞極有功

筆頭尖

氣微寒

年久使  
乏者良

主小便不通小便數難陰腫中惡脫肛淋瀝  
燒灰水服之交婚多莖萎取灰酒服之

敗鼓皮

氣平

主蠱毒燒作屑水和服之病人當呼蠱主姓  
名令取蠱即瘥

諸血 味甘氣寒

主補人身血不足並生飲之又解諸藥毒止  
渴除丹毒去煩熱

禽部

丹雄鷄

味甘

難云辛

氣微溫無毒一云有小毒

主女子崩中漏下赤白沃補虛溫中止血通  
神殺毒辟不祥○冠血主乳難療白癰風諸  
瘡又自縊死心下溫者刺血滴口中男雌女  
雄百蟲入耳中滴之即出○頭主殺鬼○肪  
主耳聾○腸主遺溺小便數不禁○肝及左

赳毛起陰○脛胫裏黃皮微寒主洩痢小便  
遺溺除熱止煩并尿血崩中帶下○屎白微  
寒主消渴傷寒寒熱破石淋利小便止遺溺  
滅癥痕傳風痛○翮羽主下血閉○黑雌鷄  
主風寒濕痺五緩六急安胎補產後虛羸治  
癰疽排膿補新血○血主中惡腹痛及踠折  
骨痛乳產○黃雌鷄味甘酸主傷中消渴小  
便數不禁腸澼洩痢補益五臟續絕傷止勞  
劣補精助陽○鷄子主除熱火瘡癰瘰可作  
虎魄神物○卵白微寒療目熱赤痛除心下

伏熱止煩滿欬逆小兒下洩婦人產難胞衣  
不出醯漬之一宿療黃疸破大煩熱

諸鷄肉補虛羸最要故食治方中多用之  
有風人不宜食又患骨熱者不可食丹溪  
云屬土而有金與木火性補故助濕中之  
火又云屬巽助肝火

遺尿

肥脰一具并腸燒末服之男雌女雄

小兒驚口不乳

肥脰

脰黃皮末乳和服之

小兒卒驚似有痛處而不知疾

狀

冠血滴口中少許差

白鷺膏

氣微寒無毒

主耳卒聾以嚙之○毛主射工水毒亦可飲其血及以塗身又主小兒驚癇極者又燒灰主噎○肉平利五臟主消渴煮汁飲之

白鴨屎

殺石藥毒解結縛散蓄熱主熱毒痢爲末水調服之熱腫毒瘡鷄子白和傳之又傳蚰蟥咬瘡良○肉補虛除熱和臟腑利水道主病水浮腫古方用鴨頭丸又取白鴨或青頭鴨一隻治如食法和米并五味煮令極熟作粥食之



鴈肪

味甘氣平無毒

主風攣拘急偏枯氣不通利久服益氣不飢  
輕身耐老

鵲鴿

味甘氣溫無毒一云微毒

主嶺南野葛菌毒生金毒及溫瘴久欲死者  
合毛熬酒漬之生搗取汁服最良不可與竹  
筍同食

雀卵

味酸氣溫無毒

主下氣男子陰痿不起強之令熱多精有子

○腦主耳聾塗凍瘡立差○頭血主雀盲黃

昏間目無所見者是○肉大溫壯陽益氣煖

腰膝冬月者良妊娠忌食之○雄雀屎名白

丁香

兩頭尖者是五月取之良研如粉煎甘草湯浸一宿乾任用

療目熱

痛生努肉赤白膜和男首生乳如薄泥點之

即消神效決癰癰塗之立潰女下帶下溺不

利蜜和丸服除疔瘰癧諸塊伏梁

伏翼

一名蝠蝠

味鹹氣平無毒

覓實雲實為之使生大山山谷及古屋壁

色白如蠟集則倒懸者佳

主目瞋明日夜視有精光久服令人喜樂媚

好無憂延壽又治五淋利水道取血滴目令

人夜中見物○糞名夜明沙炒服治瘰癧燒  
灰酒服方寸匕主子死腹中又小兒無辜熬  
搗爲散任意拌飯并喫食與喫

驚屎

味辛氣平有毒

胡燕者入藥

主蠱毒鬼疰逐不祥邪氣破五癰利小便○  
窠與屎同多以作湯浴小兒治驚邪

鴈眼睛

和乳汁研之夜三注眼中三日見碧霄中物  
烏鴉 氣平無毒

治瘦欬嗽骨蒸勞臘月瓦鉅泥煨燒爲灰

鵠鵠肉

臘月者良

主五痔止血治老嗽及吃噫炙食或為散飲服○目睛和乳汁研點眼甚明

雄鵠

味甘氣寒無毒

燒作灰以石投中解散者雄凡鳥雌雄難別其

翼左覆右者雄右覆左者雌

主石淋消結熱燒作灰淋取汁飲之○巢多年者療癩狂鬼魅及蠱毒等燒之仍呼崇物名號亦傳癭瘡良

鵠鵠頭

氣微寒

主鰓及噎燒服之

啄木鳥 氣平無毒

主痔瘻燒灰酒服之牙齒疳蠱虫牙燒末內  
牙齒孔中淮南子曰啄木愈齒

魚狗

即翠鳥

味鹹無毒

主鯁及魚骨入肉不可出痛甚者燒令黑爲  
末頓服之煮汁飲亦佳

蟲魚部

石蜜

君

味甘氣平微溫無毒

生山谷岩崖間  
色白如膏者良

主心腹邪氣諸驚癇瘕安五臟諸不足益氣  
補中止痛解毒除衆病和百藥養脾胃止腸

辟除口瘡久服強志輕身不肌不老

蜜蠟

使

味甘氣微溫無毒

惡光花

主下痢膿血補中續絕傷金瘡益氣不肌耐

老

露蜂房

味苦鹹氣平有毒

惡乾薑丹參黃芩芍藥牡蠣七月七

日採陰乾有大小二種俱可用入藥炙

主驚癇瘕瘕寒熱邪氣癰疾鬼精蠱毒腸痔

火熬之良又療蜂毒腫毒灸末猪脂調塗之

亦可煎湯洗水煮服下諸惡物

崩中漏下赤白使人無子

炙桑三指撮

乳

癰汁不出

燒灰研每服一錢水一盞煎六分溫服

白蟻

一名蟻蟻屬金冬青樹上結蟲食樹深而生者

全稟收斂堅凝之氣外科之要藥生肌止血定痛接骨續筋補虛與合歡樹皮同入長肌肉藥膏用神效

桑螵蛸

臣

味鹹甘氣平無毒

得龍骨良畏旋覆花生桑枝上者良

謹按子之二月三月採蒸之次或再蒸不氣令人誤

主傷亡疰瘕陰痿益精主女子血閉腰痛通五淋利小便水道療男子虛損腎衰夢寐失精遺溺白濁小便自利不可缺也

蚱蟬

使

味鹹甘氣寒無毒

生楊柳上五月採  
蒸乾之勿令盡

主小兒驚癇夜啼癲病寒熱婦人乳難胞衣  
不出又墮胎○蟬蛻治目昏翳頭風目眩又  
風氣客皮膚瘙癢不已和薄荷爲末酒調一  
錢日三服又水煎汁治小兒出痘瘡不快良  
○蟬花有一種蟬其殼頭  
上有一角如花冠狀主小兒天吊驚  
癇瘈瘲夜啼心悸

木蜜

味苦氣平微寒有毒

五月採取聚牛馬  
時腹有血者良乾

之去翳  
足妙用

主目赤痛背傷淚出瘀血血閉寒熱酸慙無



子○蜚蠊

黃之能飛者大如蜜蜂

味苦氣微寒有毒惡麻

黃主逐瘀血破下血積堅痞癥瘕寒熱通利

血脉及九竅喉痺

斑猫

使

味辛氣寒有毒

馬刀為之使畏巴豆丹參空青七八月豆盛時

取之陰乾除翼足糯米中炒熟米黃為變生則吐瀉人

主寒熱鬼疰蟲毒鼠瘻疥癬癰惡瘡疽蝕

死肌破石癰通水道血積傷人肌墮胎

蜻蛉

氣微寒無毒

此有數種宜用青色大眼者去翼足妙用

強陰止精暖水臟

蜣螂

使

味鹹氣寒有毒

畏羊角石膏五月五日取蒸藏之臨用火炙良

去足勿置水  
中令人吐

主小兒驚癇癰瘰腹脹寒熱疳虫大人癩疾  
狂易搗為丸塞下部引痔虫出盡差

丁瘡

取蜚蠊心腹下稍白者研貼半日許  
再易血盡根出愈如神忌食羊肉

一切惡瘡疽鼠瘻

取十數枝杵爛傳之  
或乾者杵末油調傳

鏃入骨

微熬已豆並研勻塗傷處待極  
痒不可忍便撼動箭鏃拔出之塵

沙入眼不可出

生取一枚手持其背於  
眼上影之塵沙自出

蜘蛛

氣微寒有毒

勿用五色者取身小尻大  
深灰色腹內有蒼黃膿者

去頭足研如  
膏投入藥用

主大人小兒癩七月七日取其網療喜忘著

衣領中勿令人知又蝎螫蛇咬塗其汁蜂及蜈蚣毒者生置痛處令吸其毒小兒大腹丁奚燒熟噉之贅疣取網絲纏之自落發背瘡杵以醋和先挑四畔令血出根露傳之乾即易鼠癭腫核痛已有瘡口出膿水燒二七枚傳之

蝟皮

臣

味苦甘氣平無毒一云有小毒

勿使中濕

主五痔陰蝕下血赤白五色血汁不止陰腫痛引腰背酒煮殺之又腹痛疝積燒爲灰酒服之又治胃逆開胃氣有功

牡鼠 味甘氣微溫無毒

療踈折續筋骨搗傳之三日一易油煎令消入蠟傳湯火瘡鑿針入而針折在肉中及箭鏃刀刃在諸隱處不出杵鼠肝及腦塗之○糞名兩頭尖主小兒癰疾大腹時行勞復

五靈脂

寒號虫糞也

味甘氣溫無毒

先以酒研飛鍊令去沙石佳

主療心腹冷氣小兒五疳辟疫治腸風通利氣脉女子血閉產婦血暈行經血亦能止血婦人心痛血氣刺痛甚效

鱗鱒

臣

味鹹氣微溫有毒

生河內平澤及人家積糞草中及行者良

主惡血血瘀痺氣破折血在脅下堅滿痛月  
閉目中淫膚青腎白膜取汁滴目中又傳癰  
疽痔漏惡瘡又治喉痺取汁點喉中即開

白蠶

味鹹辛氣平無毒一云有小毒

惡蠅  
蛸結

梗茯苓草薢白蠶死白色而條直者佳  
勿令中濕濕即有毒不可用入藥炒

主小兒驚癇夜啼去三虫滅黑黥諸瘡癥瘕  
令人面色好男子陰瘍病女子崩中赤白產  
後餘痛治中風失音并一切風疾去皮膚風  
動如蟲治喉痺散痰結末之封丁腫根當自  
出中風急喉痺欲死者生蠶自然汁調嚙之

又傳刀斧所傷一切金瘡

原蠶蛾

味鹹氣溫有小毒

入藥取雄者是第二者原蠶

其效於生育也

主益精氣強陰道交接不倦亦止泄精尿血

又治金瘡凍瘡湯火瘡并滅瘡癰○尿

一名蚕沙

氣溫主腸鳴熱中消渴風痺癰疹癰緩不隨

○蚕退主血風病益婦人治吐血鼻洪腸風

下血帶下赤白痢傳下腫瘡入藥燒用牙宣

牙癰揩齒齦上口瘡乾傳患處小兒走馬疳

入麝香少許貼患處醫家多用蠶退紙而東

人用蚕欲老眠起所蛻皮雖二用各殊然東  
人所用為正用當微炒和諸藥可作丸散

蠍

味甘辛有毒

形紫小者良捕得火適乾死  
收用之去腹中土有用全者

有用梢者  
補力尤切

主諸風癰疹及中風半身不遂口眼喎斜語  
澁手足抽掣小兒驚風不可闕又酒服治耳

聾

石龍子

味鹹氣寒有小毒

惡死黃斑猶燕焚  
大者長七八寸金

碧色生川谷五月取著石上令乾有四名在  
草澤者名蜺蜺蜺蜺場在屋壁者名蜺蜺守官

主五癰邪結氣破石淋下血利小便水道

蟻蟲

味鹹氣寒有毒

畏皂莢苦蒲  
十月取曝乾

主心腹寒熱洗洗血積癥瘕破堅下血閉生

子

蜈蚣

味辛氣溫有毒

赤頭足者良十八月採  
端午日者尤佳入藥炙

去頭  
尾用

主鬼疰蠱毒噉諸蛇蟲魚毒殺鬼物老精溫  
瘧去三蟲心腹寒熱積聚墮胎去惡血鷄好  
食之故中其毒以烏鷄屎水調塗咬處又畏  
蜚蠊蚘蚘觸之則死故取以治其毒大蒜塗  
之亦效



蛤蚧

味鹹氣平有小毒

一雄一雌常相隨形如大守宮凡採之須

存其尾功力全在尾也入藥去頭足洗出鱗鱗內不淨以酥炙用良

主久肺勞嗽傳尸殺鬼物邪氣療欬嗽出血

下淋瀝通水道入藥兩用又云男服雌女服

雄

鼠婦

味酸氣溫無毒

多在下濕處窺器底及土坎中五月五日取

主氣癰不得小便婦人月閉血瘕癰瘰寒熱

利水道

衣魚

味鹹氣溫無毒

多在故書中即白蠹魚也

主婦人疝瘕小便不利小兒中風項強背起

摩之小兒淋閉取以摩臍及小腹溺即通又

傳瘡滅癰

蝦蟇

臣

味辛甘氣寒有毒

五月五日取陰乾東行者良入藥炙或燒

用灰

主邪氣破癰堅血癰腫陰瘡服之不患熱病  
治小兒疳氣殺疳蟲鼠癭惡瘡虫食下部猘  
犬傷瘡狂犬咬發狂欲死能合玉石取肪塗  
玉刻之如蠟丹溪云煮食發濕不宜食之

小兒洞洩下痢

燒末飯調方寸匕

癰瘡

燒末楷脂和傳之

跌折損傷

生搗爛署之敷取皮貼亦效

溫病發斑困者

取一枚生搗絞汁服之

眉間白脂名蟾酥治癰疽疔腫虫牙齒縫中血出以紙絛子蘸乾末少許血出處按之立止以朱砂麝香為丸如麻子大小兒疳瘦者空心一丸如腦疳以乳汁調滴鼻中

綠桑螺

似蝸牛黃小兩後好綠桑葉

主患脫肛燒末和諸膏傳之立縮

蛞蝓

味鹹氣寒無毒

形類蝸牛蛞蝓二角蝸牛四角無背有肉附殼

而行

主賊風喎僻軼筋及脫肛驚癇攣縮○蝸牛

主治同生研水服止消渴取一兩燒灰猪脂和傳脫肛立縮又研和真蛤粉傳發背

螻蛄

味鹹氣寒無毒一云有毒

夜出者良夏至取曬乾入

藥妙用

主產難出肉中刺潰癰腫下哽噎解毒除惡瘡十種水病腫滿喘促小便不利研末溫酒或湯調一錢七又云自腰以前甚澁主止大小便從腰以後甚利主下大小便若出拔刺多用其腦傳之

白頸蚯蚓

味鹹氣寒有小毒

三月取陰乾入藥當去土了益

水洗  
微灸

主蛇瘕去三蟲伏尸鬼疰蠱毒殺長虫仍自  
化作水入葱葉管中即化療傷寒伏熱狂謬  
大腹黃疸又治腎藏風下疰脚氣病須用之  
仍須鹽湯送人被其毒以鹽水浸咬處又以  
鹽湯飲○其屎封狂犬傷毒出犬毛神效

溫病大熱狂言

研汁飲之

小便不通

研汁和冷水服半碗

立中蠱毒

取十四枚以苦酒三升漬之刺死但服其汁

田中螺

氣大寒

生水田大如菰李者

主目熱赤痛取黃連末內其中良久汁出取

以注目中生浸取汁飲之止消渴碎其肉傳  
熱瘡爛殼燒末服主反胃煮汁飲療熱醒酒

牡蠣

君

味鹹氣平微寒無毒入足少陰經

具母為之

使得甘草牛膝遠志蛇床  
良惡麻黃吳茱萸辛夷

主傷寒寒熱溫瘧洒洒驚恚怒氣除拘緩療  
癰癰腫喉痺鼠瘻女子帶下赤白心脅氣結  
痛除老血軟積痞鹹能軟堅也澁大小腸止  
大小便療鬼交洩精久服強骨節殺邪鬼延  
年

和杜仲服止盜汗和麻黃根蛇床子乾薑

為粉去陰汗引以柴胡能去脅下之硬引以茶清能消結核引以大黃能除股間腫地黃為之使能益精收澁止小便本腎經藥也

石決明

味鹹氣平寒無毒

七孔九孔者良已上者不佳九用先

磨去上龍皮用鹽并東流水甕器中煮一伏時搗末

主目障腎痛青盲久服益精輕身

海蛤

臣

味苦鹹氣平寒無毒

蜀漆為之使畏狗膽耳遂荒花此是

海中爛殼久在泥沙風波淘灑自然圓淨以小而久遠者為佳

主欬逆上氣喘息煩滿胃痛寒熱瘰癧

文蛤 味鹹氣平無毒

生東海表有文此是未爛時殼猶有文者二蛤

同類惟分新舊耳

主惡瘡蝕五痔欬逆胃痺腰痛脅急鼠瘻大孔出血崩中漏下墜痰軟堅止渴燥濕收澁固濟治急痺蝕口鼻數日盡欲死燒灰臘猪脂和塗之又治疔痛能降能消能軟能燥同香附末薑汁調服

真珠

君

氣寒無毒

用新完未經鑽綠者佳須研極細

主鎮心綿裹塞耳主聾傳面令人潤澤好顏色粉點目中主膚腎障膜小兒驚熱藥中亦



用之

貝子

味鹹氣平有毒

燒用之良

主目腎鬼疰蠱毒腹痛下血五癰利水道解

肌散結熱

龜甲

味鹹甘氣平無毒

惡沙參畏狗膽卜師鎖過者名敗龜版大

者良入藥用生脫者勿令中濕中濕即有毒凡用酥炙猪脂酒皆可炙

主漏下赤白破癥瘕瘰癧五痔陰蝕濕痒癰

緩四肢重弱小兒顛不合頭瘡難燥女子陰

瘡心腹痛腰背酸疼骨中寒熱傷寒勞復或

肌體寒熱欲死大有補陰之功力猛蕪去瘀

血續筋骨治勞倦久服輕身不飢益氣資智  
亦使人能食龜乃陰中至陰之物稟北方之  
氣而生故能補陰血不足又方家以其靈於  
物故用以補心甚驗

鼈甲

使

味鹹氣平無毒

惡砒石生取甲良九胸者佳醃醋浸炙黃色用

主心腹癥瘕堅積寒熱去痞息肉陰蝕痔惡  
肉消瘡腫療溫瘧勞瘦骨熱小兒脇下堅婦  
人漏下五色羸瘦墮胎○頭燒灰主小兒諸  
疾又治脫肛血亦可塗之○肉甘溫主傷中  
益氣補不足忌與葷菜同食又三足者為能

不可食

丈夫陰頭癰

取甲一枚燒末以鷄子白和傳之良

產難

取甲燒灰

服方寸七立出

蟹

即螃蟹

味鹹氣寒有毒

八月後食之良霜後更美

主胃中邪氣熱結痛噎僻面腫敗漆燒之致鼠解結散血愈漆瘡其黃能化漆為水脚中髓并殼中黃熬為末內金瘡中能續斷筋○爪主墮胎破宿血產後血閉酒煮及煎湯服良

水蛭

使

味鹹苦氣平微寒有毒

畏鹽及石灰用水中小者五月

六月採曝乾腹中有子者去之細剉後微火炒令色黃乃熟不尔入腹生子爲害

主逐惡血瘀血月閉破血癥積聚無子利水道又墮胎治折傷有功熟酒調下末一錢食頃痛可更一服或和麝香研爲末酒調一錢當下畜血蓋苦走血鹹勝血也

癰腫腫毒

取十餘枚次第令啗腫處血滿自脫更用飢者取皮皺肉白差

馬刀 味辛氣微寒有毒丹溪云濕中有火

主漏下赤白寒熱破石淋殺禽獸賊鼠

蛤蜊 性冷無毒丹溪云濕中有火

止消渴開胃解酒毒主老癖能爲寒熱者及

婦人血塊煮食之此物雖冷然與丹石相反服丹石人不宜食療湯火傷取殼灰火燒研爲末油調塗之神妙

蚌

性冷無毒丹溪云濕中有火

主婦人虛勞下血并痔瘻血崩帶下又止消渴除煩熱壓丹石毒以黃連末納之取汁點赤眼并暗良○爛殼粉飲下治反胃痰飲又蚌粉治痺止痢醋調傳癰腫

淡菜

味甘氣溫無毒

又名東海夫人

補五臟虛損理腰脚氣益陽事治產後血結

腹內冷痛消痰癰瘰癧瘰癧婦人帶下漏下丈夫

久痢並煮食之雖形狀不典而甚益人

蝮蛇膽

味甘苦氣寒有小毒

割脂看肉細如  
粟米著水中浮

走者是真沉  
而散者非也

主心腹墮痛下部墮瘡目腫痛小兒五疳

蛇蛻

巨味鹹甘氣平無毒又云有毒

畏磁石及  
酒五月五

日十五日取之白如  
銀色完全石上者佳

主小兒百二十種驚癇癰瘰癧疾寒熱腸痔

蠱毒蛇癰辟惡止嘔逆明目去翳膜火熨之

良甚療諸惡瘡

白花蛇

君

味甘鹹氣溫有毒

九月十月採捕之  
火乾用去頭尾酒

浸三日棄酒  
火炙去皮骨

主中風濕痺不仁筋脉拘急口面喎斜半身  
不遂骨節疼痛大風疥癩暴風瘙痒此蛇治  
風速於諸蛇然大毒頭尾各一尺尤甚去之  
只取中段用

烏蛇

君

味甘氣平無毒

背有三稜色黑如漆尾  
細尖長者佳服不陷為

真酒浸去頭尾炙熟去皮  
骨入丸散用亦浸酒合膏

主諸風瘙癢癰疥癬皮膚不仁頑痺諸風性  
至善不噬物

鯪鯉甲使氣微寒有毒

主五邪鬼魅驚啼悲傷及痔漏惡瘡疥癬蟻  
瘻燒作灰傅之以酒或水和服方寸匕山瘴  
瘧煎湯服之或末酒調服

吹乳疼痛

取甲炙黃末通各一兩自然銅半兩搗羅為末每服二錢溫酒

詞氣痔下膿血

燒一兩存性豆寇仁三箇同為末米飲調二錢甚者

加絹皮一兩燒入

鱖魚

即鱖

味甘氣寒無毒

諸魚膽皆苦惟此膽可食

主濕痺面目浮腫下大水療五痔取魚腸以  
五味炙令香以綿裹納穀道中一食頃虫當



出

鯽魚

味甘氣溫

春不食其頭又不合豬肝雞肉食

主諸惡瘡燒以醬汁和塗之或取豬脂煎用  
又主腸癰合蓴作羹主胃弱不下食調中下  
氣補虛作鱠主腸癖水穀不調及赤白久痢  
又釀白礬燒灰治腸風血痢又開其腹內少  
鹽燒之治齒痛丹溪云諸魚皆屬火惟鯽魚  
屬土故屬陽明而有調胃實腸之功多食能  
動火諸魚皆然○灰主咳嗽小兒頭瘡口瘡  
重舌目翳

鯉魚膽

味苦氣寒無毒

不計大小並三十六鱗頭有毒

主日熱赤痛青盲明目久服强悍益志氣耳  
聾滴之小兒熱腫塗之○肉燒灰治欬逆氣  
喘煮食之療水腫脚滿下氣又安胎治懷妊  
身腫又天行病後不可食

烏賊魚骨

使

味鹹氣微溫無毒又云有小毒

惡白

飲白芨  
附子

主女子漏下赤白經汁血閉陰蝕腫痛寒熱  
癥瘕無子驚氣入腹腹痛環臍陰中寒腫令  
人有子又止瘡多膿汁不燥殺虫治心痛消

目中浮翳細研和蜜點之又療牛馬目中障  
翳小兒痢下細研米飲下之丈夫陰頭癰末  
粉傅之腹中有墨主血刺心痛醋磨服

鰻鱺魚

味甘有毒

有五色文者其功勝

主五痔瘡癰殺諸虫壓諸草石藥毒熏下部  
虫療婦人產戶瘡虫痒腰背間濕風痺常如  
水洗及濕脚氣人服之良患諸瘡癰及癰腸  
風婦人帶下百病一切風癢如虫行者長食  
之燒之熏臚中斷蛙虫置其骨箱中斷白魚  
諸虫咬衣服又熏諸木竹辟蛙虫又治蚊虫

取乾者於室燒之蚊化爲水

青魚膽

主目暗滴汁目中并塗惡瘡

石首魚 味甘無毒

和蓴菜作羹開胃益氣乾之名爲鰲炙食之  
消爪成水亦主卒腹脹食不消○頭中有石  
如棊子主下石淋磨石服之亦燒爲灰末服  
人部

髮髮 味苦氣溫又云有小寒無毒

主五癰關格不通利小便水道療小兒癰大

人瘥仍自還神化合鷄子黃煎之化為水療  
小兒驚熱及熱瘡○亂髮微溫補陰之功甚  
捷主欬嗽五淋大小便不通小兒驚癇驚口  
瘡豌豆瘡鼻衄欲死燒之研末調方寸匕又  
吹內立已止血悶血暈金瘡傷風血痢燒灰  
勿令絕過煎膏長肉消瘀血

破傷風及沐髮中風

取如鷄子大無油器中熬焦黑研為末以

好酒一盞沃之入何首烏末二錢和食中

勻候溫惟之過一二刻又嚥極效

誤吞髮繞喉取已頭髮燒作

灰水調服一錢

人乳汁

味甘氣寒無毒

主補五臟令人肥白悅澤點眼止淚明目療  
赤痛

頭垢 氣溫

主淋閉不通傷寒勞復丸服之或浸取汁服  
治噎酸漿水煎膏服又治中蠱毒及輦毒米  
飲或酒化下竹木刺在肉中塗之即出百邪  
鬼魅水服一小豆大

人尿 氣寒

主療時行大熱狂走解諸毒宜用絕乾者擣  
末沸湯沃服之善破丁腫開以新者封之一

日根爛或燒灰醋和如泥傅乾即易○糞清  
臘月截淡竹去皮浸滲取汁治天行熱狂熱  
疾中毒并惡瘡取汁服

人溺

氣寒

童男者尤佳

療寒熱頭痛溫氣熱勞咳嗽肺痿降火最速  
主卒血攻心撲損瘀血吐血鼻衄和少生薑  
汁煎二三沸乘熱服難產及胞衣不下薑葱  
煎乘熱飲即下產後溫飲一杯壓下敗血惡  
物免血暈之疾氣血虛無熱者不可用打撲  
杖瘡及蛇犬等咬熱淋患處

浣禪汁 月經衣 婦人視襠

解毒箭并女勞復傷寒陰陽易燒經衣熱水  
服方寸匕交州夷人以焦銅爲鏃毒藥鏃鋒  
上中之即死月水汁解之又視襠主陰陽易  
當陰上割取燒末服方寸匕童女視益佳若  
女患陰易即湏男子視也陰易病者人患時  
行病起後合陰陽便即相著甚於本病其候  
小便赤澁寒熱甚者是服此便通利

死人枕

塚中取用  
煮服之

律有明刑慎勿故犯

主尸疰病腹中石蛭邪氣入肝眼痛多見鬼



物

或問三病不同皆用死人枕而差何也徐  
嗣伯曰尸疰者鬼氣也伏而未起故令人  
沉滯得死人枕治之魂氣飛越不復附體  
故尸疰自差石虵者醫療既癖虵虫轉堅  
世間藥不能遣所以須鬼物馳之然後乃  
散故令煮死人枕服夫邪氣入肝故使眼  
痛而見魍魎須邪物以鈞之故用死人枕  
之氣因而去之故令埋於塚間也

紫河車

即生子胎衣兒朶胞中臍系於胞受胞之養  
胞系母腰受母之蔭父精母血相合生成之  
精真元氣所鐘也夫名爲紫河車者蓋天地  
之先陰陽之祖胚胎將兆九九數足此則載  
而乘之故名其歷驗篇名曰混沌皮釋氏謂  
之佛袈裟製服有却疾之功久服有延年之  
力但非可常得之物或且有所嫌忌故人不  
之用耳愚每製此方惠諸人人其取功奏效  
可應手而得一人稟氣素弱陽事太痿因以  
河車配他藥一方服不二料體貌頓易連生

數子一婦人年近六十時已衰憊用河車加  
補血藥作丸服甚効每自製服壽至九十強  
健如中年人一人大病久不能作呼聲服不  
數次呼聲出矣一人患痿足不任地服之半  
年病去如失用於女人尤妙豈本所自出而  
各從其類耶若多生女無子夫婦服之而生  
男子歷歷可數病危將絕氣者一二服可更  
生大抵補益之功極其至矣故名大造丸配  
合諸藥俱有至理并註各藥之下

紫河車一具用米泔水洗淨新竹藍上焙乾

爲末須初生男女原方製法如此吾依法服之微覺燥熱焙乾火毒未去莫若蒸熟晒乾若得生用氣力尤全或又云男用女胎女用男胎大抵不可必得男女通用俱可如婦人壯實便第二胎亦可

敗龜板年久者良童便浸三日酥炙黃二兩按此酥炙亦不免火毒嘗見濟南胡良醫云龜板童便浸磁碗片刮去内外皮膜蒸熟晒乾爲末尤妙此亦當依胡言

黃栢去粗皮鹽酒浸炒褐色一兩伍錢邪火

止能動欲不能生物俗醫用陽藥滋補非徒  
無益爲害不小

上二味補陰補陽俱最用河車之佐

杜仲酥炙去系一兩五錢主腎虧精損腰疼  
餘瀝

牛膝去苗酒浸晒乾一兩二錢下部之藥引  
諸藥而行已

已上二味足少陰腎經藥古方加陳皮名補  
腎丸

淮慶生地黃肥大者二兩五錢入砂仁末六

錢白茯苓一塊重二兩稀絹同入銀罐內好酒煮乾添酒煮七次去茯苓砂仁不用蓋地黃得砂仁茯苓及黃栢則走足少陰陶尚文以此四味爲天一生水丸秘而不傳

天門冬去心一兩二錢

人參去蘆一兩

麥門冬去心一兩二錢夏月加五味子七錢上四味少陰藥二門冬保肺氣不令火刑降肺氣下行腎水然其性有降無升得人參則補而降本草云主多生子以此也古方加地

黃名固本丸只麥門冬五味子人參三味名  
生脉散此方配合之意大抵以金水二臟爲  
生化之源加河車以成大造之功耳

右藥除地黃另用木石臼內杵椿一日餘藥  
各爲末和地黃膏再搗極勻酒米糊爲丸如  
小茈大每服八九十丸空心臨睡淡鹽湯姜  
湯任下寒月好酒尤妙婦人服加當歸二兩  
去龜板男子遺精婦人帶下並加牡蠣粉一  
兩五錢

本草集要中部卷之六終